

## Pandora: Uhapšena trojka na saslušanju u Tužilaštvu Suspendije za još 18 zaposlenika UIO BiH

Almedin Rožajac (1985), osnivač i odgovorna osoba u preduzeću Jaciha d.o.o. Srebrenik, zatim Haris Krujezi (1984), te Nuriya Škiljo (1990), koji su uhapšeni u nastavku akcije Pandora na području Skelana, jučer su predati u Tužilaštvo BiH, gdje su i saslušani. Boris Grubešić, portparol Tužilaštva BiH, kazao je da će nakon saslušanja uhapšenih biti odlučeno za koga će biti upućen prijedlog za određivanje pritvora, a za koga mjere zabrane. Grubešić je istakao da se za osumnjičenim Radovanom Đurićem i dalje traga i da je još na snazi međunarodna potjernica za njim.

### Utvrđivanje odgovornosti

Akcija Pandora počela je prošle sedmice. Uhapšeno je više od 30 osoba, među kojima su i Kemal Čaušević, nekadašnji direktor Uprave za indirektno oporezivanje, zatim Anes Sadiković, Zdravko Cvjetinović, pomoćnik direktora Sektora za carine UIO BiH, njegov brat Zdravko, zatim Milenko Nikić, bivši šef Carinske ispostave



Osumnjičeni najprije privedeni u Tužilaštvo

ve Brod, Janko Jovanović, šef ispostave Brod, te Miroslav Kragulj, također zaposlenik UIO BiH. Svi su smješteni u pritvor na mjesec, a UIO BiH je prekjueer donijela rješenja kojim su zaposlenici Uprave suspendovani s posla. Također, Uprava je u skladu s važećim Pravilnikom o disciplinskoj i materijalnoj odgovornosti zaposlenih u UIO BiH pokrenula disciplinske postupke i izrekla mjeru suspendije sa radnog mjesta za 18 službenika, odnosno za Aliju Mašića, Svetu Mijića, Ljubomira Vla-

jinića, Dragana Tomića, Dejana Pavića, Nermina Hrustića, Aleksandara Petrovića, Hajrudina Muminovića, Faruka Šušnjara, Danijela Stojčića, Boru Marjanovića, Radana Kuzmanovića, Mišu Novkovića, Veseljka Starčevića, Edvina Adulovića, Dejana Nožicu, Mirka Ivića i Josipa Kovačevića.

Neovisno o postupcima koji se vode pred pravosudnim organima u BiH, UIO će provesti disciplinske postupke u kojima će se utvrditi odgovornost svih službenika za even-

### Novo hapšenje

U nastavku predmeta kodnog naziva Pandora, postupajući po naredbi Tužilaštva BiH, policijski službenici Državne agencije za istrage i zaštitu jučer su slobode lišili osobu inicijala S. J., koja je privedena u službene prostorije SIPA, gdje se nad njom vrši kriminalistička obrada, nakon čega će biti predata Tužilaštvu BiH na dalje postupanje.

tualno nezakonito postupanje, rečeno nam je jučer u UIO BiH.

### Lažne fakture

Uhapšeni Rožajac, Krujezi i Škiljo su osumnjičeni da su kao pripadnici organizirane kriminalne skupine osumnjičenog Anesa Sadikovića učestvovali u nezakonitostima vezanim za uvoz velikih količina tekstilne robe, koja je uz lažno sačinjene fakture kojima je umanjivana vrijednost robe, te druge nezakonitosti vezane za carinsku i poreznu proceduru, uvožena u BiH. **A. B. Č.**